

MALITTARISASSAT

J.nr. 2180074/ts-06-08-2020

Uunga atuuttut:

Greenland Holding A/S
CVR-nr. 11813127

1 AQQA

1.1 Ingerlatseqatigiiffiup aqqa tassaavoq Greenland Holding A/S.

1.2 Ingerlatseqatigiiffiup aqqi allat tassaapput:

1.2.1 Inuit Service Company A/S

1.2.2 Grønlands Baseselskab A/S

2 SIUNERTAQ

2.1 Ingerlatseqatigiiffiup siunertaa tassaavoq Kalaallit Nunaanni inuussutisarsiornermik siuarsaanermi soqutigisat isumagissallugit tapersersusallugillu, kiisalu "Greenland Contractors af 21. februar 1994"-mi piginnittut soqutigisat isumagissallugit. Ingerlatseqatigiiffiup aningaasaatai niuernermik tunngaveqarluni kiisalu isumannaatsumik aqunneqasapput.

3 INGERLATSEQATIGIIFFIUP ANINGAASAATAI

3.1 Ingerlatseqatigiiffiup aktiatigut aningaasaatai kr. 110.500.000,00-iupput, agguataarsimallutillu aktianut ataasiakkaanut DKK 1.000-inik nalilinnut imaluunniit taama ittunut amerlasuunut.

4 INGERLATSEQATIGIIFFIUP AKTIAATAI

4.1 Piginneqataassutit atermik allassimassapput. Ingerlatseqatigiiffiup aktiaatai ingerlatseqatigiiffiup piginneqataasunik nalunaarsuiffiani allassimassapput.

4.2 Aktiatigut piginneqataassutit pappiaqqatut nalilittut nioqqutigineqarsinnaanngillat.

4.3 Aktiatigut piginneqataassut kr. 1.000,00-iusoq taasineramik ataatsimik naleqarpoq.

4.4 Aktiatigut piginneqataassutit allanut tunineqassappata tamatigut siulersuisut siumoortumik akuersiseqqaarneqartassapput.

4.5 Piginnittuunermut uppersarsaasiisoqarneq ajorpoq.

5 INGERLATSEQATIGIIFFIUP PERIUSISSIAI ILIUUSISSATULLU PILERSAARUTAI

5.1 Ingerlatseqatigiiffik ileqquusumik ataatsimeersuarnissani kingusinnerpaamik sapaatit akunnerinik arfinilinnik sioqqullugu periusissiaminik iliuusissatullu pilersaarumminik kiisalu ukiumi naatsorsuuteqarfimmi tullermi pisussaaffimminut pilersaarummik nassiusaqassaaq. Periusissiat iliuusissatullu pilersaarut ingerlatseqatigiiffinnut ingerlatseqatigiiffiup toqqaannartumik pigisaanuttaaq atuuppoq.

6 INGERLATSEQATIGIIFFIIT INGERLATSEQATIGIIFFIUP PIGISAI

6.1 Ingerlatseqatigiiffiup pisussaaffinnik pilersaarutaanut ilanngullugit Naalakkersuisut taamaaliornissamik akuersereersimatinnagit imaluunniit aningaasatigut iliuuserineqartussat kingusinnerpaamik sapaatit akunnerinik sisamanik sioqqullugit siulersuisunit Naalakkersuisunut ilisimatitsisoqarsimatinnagu ingerlatseqatigiiffiit pigisat eqqarsaatigalugit aningaasanik nuussisoqassanngilaq, taarsigassarsisoqassanani imaluunniit allatigut pisussaaffilertoqassanani. Taamaaliortoqarnissaanik Naalakkersuisut ataatsimeersuarnermi aalajangiippata aningaasatigut iliuuserineqartoq ingerlatseqatigiiffiup ilanngutissanngilaa, tassa taamaaliornissaq inatsisinut imaluunniit ingerlatseqatigiiffiup malittarisassanut akerliusimanngippat.

6.2 Ingerlatseqatigiiffinni ingerlatseqatigiiffiup toqqaannartumik pigisaani malittarisassat allannguutaat ingerlatseqatigiiffiup ataatsimeersuarnerani akuerineqartassapput. Aalajangersagaq manna ingerlatseqatigiiffiit pineqartut malittarisassaannut ilanngunneqassaaq.

7 ATAATSIMEERSUARNEQ, PIGINNAATITSINEQ, SUMIIFFIK AGGERSAANERLU

7.1 Inatsisit naapertorlugit ingerlatseqatigiiffiup susassaqarfiini tamani aammalu malittarisassat uku killiliussaasa iluanni ataatsimeersuarneq oqartussaanerpaajuvoq.

7.2 Ingerlatseqatigiiffiup ataatsimeersuarneri ingerlatseqatigiiffiup angersimaffiani imaluunniit Nuummi ingerlanneqartassapput. Ukiumoortumik nalunaarusiat kukkunersiukkat akuerisallu Aqutsisoqarfimmut nassiuunneqarnissaannut piffissaqarluartussanngorlugu taamalu kingusinnerpaamik ukiup naatsorsuuteqarfiup naanerani qaammatit tallimat sapaatillu akunneri pingasut qaangiunneranni aqutsisoqarfimmiit tiguneqartussanngorlugit ileqquusumik ataatsimeersuarnerit ukiut tamaasa ingerlanneqartassapput.

7.3 Immikkut ittumik ataatsimeersuarnerit ingerlanneqartassapput siulersuisunit imaluunniit kukkunersuiisumit noqqaassuteqartoqarneratigut imaluunniit aktiatigut piginneqataasumit ingerlatseqatigiiffip aningaasaasa 5 %-iinik pigisaqartup allakkatigut noqqaassuteqarneratigut. Noqqaassuteqartoqartoqarneraniit kingusinnerpaamik ullut 14-it qaangiunneranni immikkut ittumik ataatsimeersuarnermut aggersaasoqartassaaq.

7.4 Siulersuisut ataatsimeersuarnermut aktiaateqarlutik piginneqataasunut ataasiakkaanut tamanut ataatsimeersuariaqqusissapput allakkat nalinginnaasut imaluunniit email atorlugit kingusinnerpaamik sapaatit akunnerinik marlunnik siusinnerpaamillu sapaatit akunnerinik sisamanik siumut nalunaaruteqarlutik.

7.5 Aktiaateqarlutik piginneqataasut ataatsimeersuarnermi oqaluuserisasannngortitaat allaganngorlugit siulersuisunut tunniunneqassapput ataatsimeersuarnermi oqaluuserisassanut ilanngunneqarnissaannut piffissaqarluartussanngorlugu. Oqaluuserisassat ataatsimeersuarneq kingusinnerpaamik sapaatit akunnerinik arfinilinnik sioqqullugu tunniunneqartut tamatigut oqaluuserisassanngortinneqartassapput.

8 ATAATSIMEERSUARNEQ, ATTAVEQAATIT ATORLUGIT

8.1 Inatsisit ataqqillugit siulersuisut aalajangersinnaapput ingerlatseqatigiiffiup ataatsimeersuarneri tamakkiisumik ilaannakuusumilluunniit attaveqaatit atorlugit ingerlanneqassasut.

8.2 Attaveqaatit atorlugit ataatsimeersuarnerit toqqissisimanartumik ingerlanneqarnissaat siulersuisut isumagissavaat qularnaassallugulu atoritorissaarutit ima aaqqinneqassasut ataatsimeersuarnerit ingerlanneqarneri pillugit inatsisitigut piumasarineqartut naammassineqartussanngorlugit, pingaartumik aktiatigut piginneqataasut ataatsimeersuarnermi peqataanermut, oqaaseqarnermut taasiner Mullu periarfissat eqqarsaatigalugit. Attaveqaatit qanoq atorneqassanersut, teknikkikkut qanoq ittuussusii, kiisalu ataatsimeersuarnerit tamakkiisumik ilaannakortumilluunniit attaveqaatit atorlugit ingerlanneqarnerini atoritorissaarutit suussusii ingerlatseqatigiiffiup nittartagaani nassuiarneqassapput.

8.3 Ataatsimiigiaqqussut imaqassaaq attaveqaatitigut atoritorissaarutit ataatsimeersuarnermi atorneqartussat pillugit siulersuisut piumasaqaataannik, aktiatigut piginneqataasut attaveqaatitigut peqataassagunik qanoq nalunaassasut, kiisalu attaveqaatit atorlugit ataatsimeersuarnermut peqataanermi periaatsit pillugit paasissutissanik sumi nassaarsinnaanersut.

- 8.4 Attaveqaatit atorlugit ataatsimeersuarnerit ingerlanneqartillugit pappiaqqat atorlugit allaffigeqatigiittarnermut taarsiullugu ingerlatseqatigiiffiup kiisalu aktiatigut piginneqataasut akornanni attaveqatigiinnermi attaveqaatitigut allakkanik nassiussisarfiit atorneqarnissaannik ingerlatseqatigiiffik aalajangersinnaavoq.

9 ATAATSIMEERSUARNEQ, OQALUUSERISASSAT

- 9.1 Ataatsimeersuarnissaq kingusinnerpaamik ullunik 14-inik sioqqullugu oqaluuserisassat siunnersuutillu ataatsimeersuarnermi saqqummiunneqartussat tamakkiisut ingerlatseqatigiiffiup allaffiani aktiatigut piginneqataasunut misissuataagassanngorlugit saqqummiunneqassapput, ukiumoortumillu nalunaarusiaq ileqqusumik ataatsimeersuarnermi sammineqartussaq aktiatigut piginneqataasunut misissuataagassanngorlugu ingerlatseqatigiiffiup allaffiani saqqummiunneqassaaq, kiisalu aktiatigut piginneqataasutut nalunaarsimasunut noqqaassuteqarsimasunut tamanut nassiunneqassalluni.

- 9.2 Ataatsimeersuarnermi oqaluuserisassat makkuninnga imaqassapput:

1. Aqutsisumik toqqaaneq
2. Siulersuisut nalunaarutaat
3. Periusissiat iliuusissanillu pilersaarutit kiisalu pisussaaffinnut pilersaarutit akuerisassanngorlugit saqqummiunneqarnerat
4. Ukiumoortumik nalunaarusiap akuerisassanngorlugu saqqummiunneqarnera, tassunga ilaalluni sinneqartoorutini atuineq imaluunniit amigartoorutiniq matussusiineq ukiumut naatsorsuutit inernerit akuerineqarsimasut malillugit
5. Siulersuisunik qinersineq, aamma siulersuisut siulittaasuannik
6. Siulersuisut siulittaasuata ilaasortallu sinnerisa ajunngitsorsiassannik aalajangiineq
7. Kukkunersuisumik toqqaaneq
8. Tamalaat

10 ATAATSIMEERSUARNEQ, ATAATSIMEEQATAASINNAATITASUT AAMMALU PIGINNAATITSISSUT

- 10.1 Aktiatigut piginneqataasooq kinaluunniit nammineerluni, siunnersorteqarluni, imaluunniit piginnaatitsissuteqartumik sinniisoqarluni, tassa aktiatigut piginneqataasooq sinnerlugu piginnaatitsissummik allaganngukkamik ullulikkamillu takutitsilluni taasisinnaatitaasumik taassumalu siunnersortaanik sinniisoqarluni ataatsimeersuarnermut pegataasinnaavoq.

10.2 Ataatsimeersuarnerit tusagassiorfinnut ammasuupput. Ataatsimeersuarnit aalajangerneqassaaq tusagassiorfiit ilumut immiussisinnaatitaassanersut aammalu qanoq annertutigisumik nipinik filminillu aammalu assinik qanoq annertutigisumik immiussisinnaatitaassanersut.

11 ATAATSIMEERSUARNEQ, AQUTSISOQ, AALAJANGIINERIT IL.IL.

11.1 Ataatsimeersuarnit ataatsimiinnermi aqutsisussaminnik qinersissapput, taassumalu oqallinnerit siulersussavai aammalu suliat qanoq suliarineqarnissaannut taasinerimullu tunngasut tamaasa aalajangiivigisassallugit.

11.2 Ingerlatseqatigiiffinnut inatsisikkut allamik aalajangersaasoqarsimatinagu ataatsimeersuarnermi aalajangikkat tamarmik amerlanersuteqarnikkut aalajangiivigineqartassapput.

11.3 Ataatsimeersuarnermi oqallinnerit nalunaarsorneqassapput aqutsisumillu atsiorneqarsimassallutik.

12 SIULERSUISUT

12.1 Ingerlatseqatigiiffik siulersuisunit 3-7-nik amerlassusilinnit siulersorneqassaaq.

12.2 Siulersuisut ileqquusumik ataatsimeersuarnerup tulliup tungaanut atuutissallutik ataatsimeersuarnermi qinigaasassapput. Aamma siulersuisunut ilaasortat tamarmik sinniisussaanik qinersisoqarsinnaavoq. Qinigaaqqittoqarsinnaavoq.

12.3 Siulersuisunut ilaasortat ilaat ataaseq siulittaasussatut ataatsimeersuarnermi qinerneqassaaq. Pisortaneq siulittaasutut qinigaasinnaanngilaq.

12.4 Siulersuisut ukiumoortumik ajunngitsorsiaqassapput, taakkulu amerlassusii ataatsimeersuarnermi ukiumut tullermut atuuttussamik aalajangerneqartassallutik.

12.5 Ilaasortat affaat sinnerlugit peqataappata siulersuisut aalajangiisinnaasuseqassapput. Siulersuisuni oqaluuserisat nalinginnaasumik amerlanersuteqarnikkut aalajangiivigineqartassapput. Taasinerit naligiitsillugit siulittaasup taasineri aalajangiisuusassaaq.

12.6 Siulersuisut suleriaasissiornermikkut sulinerimik qanoq ingerlasarnissaa sukumiinerusumik aalajangersassavaat.

12.7 Siulersuisut ataatsimiinnerinit imaqarniliat nalunaarsuiffimmut nalunaarsorneqartassapput siulersuisunullu ilaasortanit tamanit atsiorneqarsimassallutik.

13 AQUTSISOQARNEQ

- 13.1 Siulersuisut pisortanik 1-2-inik amerlassusilinnik atorfinitsissapput.
- 13.2 Pisortat arlaliuppata taakku suliaasa qanoq agguataarneqarnissaannik siulersuisut aalajangersaassapput. Pisortat arlaliuppata arlaat pisortaanertut atorfinitsinneqassaaq.

14 ATSIORSINNAATITAANEQ

- 14.1 Ingerlatseqatigiiffik sinnerlugu atsiorsinnaatitaapput pisortaq siulersuisut siulittaasuannik peqateqartoq, imaluunniit siulersuisut siulittaasuat siulersuisunut ilaasortamik ataatsimik peqateqartoq imaluunniit siulersuisut tamarmiusut.

15 KUKKUNERSIUINEQ


- 15.1 Ingerlatseqatigiiffiup ukiumoortumik nalunaarusiai kukkunersiuusumit naalagaaffimmit akuerisamit imaluunniit kukkunersiuusumit nalunaarsukamit, tullissaannik ileqquusumik ataatsimeersuarnissap tungaanut atuuttusanngorlugu ataatsimeersuarnermi qinigaasumit, kukkunersiorneqartassapput. Qinigaaqqittoqarsinnaavoq.

16 NAATSORSUUTIT

- 16.1 Ingerlatseqatigiiffiup ukiuata naatsorsuuteqarfiusup qaammatisiutit ukiuat malippaa.

Taamaalillugit ingerlatseqatigiiffiup ukiumoortumik ataatsimeersuarnerni akuersissutigineqartut 11. august 2020.

Aqutsisoq:


Advokat Peter Schriver